



Broj: 04-23-2435-28/23 KM
Sarajevo, 28.02.2023. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na zastupničko pitanje sa 3. Radnoj sjednici Skupštine Kantona Sarajevo održanoj dana 27.01.2023. godine, a od strane zastupnice Admele Hodžić.

Pitanje:

"Na osnovu člana 211. Poslovnika Skupštine Kantona Sarajevo Kantona Sarajevo ("službene novine Kantona Sarajevo", broj 41/12 – Drugi novi prečišćeni tekst, 15/13, 47/13, 47/15, 48/16, 2/20, 14/20, 16/22 i 17/22) upućujem zastupničko pitanje premijeru Kantona Sarajevo i ministru saobraćaja i ljubazno molimo da nas izvijeste o rezultatima provedenih aktivnosti o Zaključku koji je Skupština Kantona Sarajevo usvojila 13.09. 2021. godine na 41. Radnoj sjednici, kojim je upućena inicijativa, da se u što kraćem periodu obezbijede jednaki uslovi za korištenje prijevoza željezničkim saobraćajem za stanovnike Tarčina i Rašteliće, te da se na isti način kao i na relaciji Sarajevo – Pazarić – Sarajevo postigne dogovor sa ŽFBiH i uspostavi prijevoz u istim terminima. Molimo Vas da nas u što skorije vrijeme izvijestite o poduzetim aktivnostima."

Odgovor :

Vlada Kantona Sarajevo 24. 06. 2021. godine donijela je Odluku o utvrđivanju interesa Kantona Sarajevo za obavljanje usluga željezničkog putničkog saobraćaja na relaciji Hadžići – Željeznička stanica Sarajevo. Nakon pokrenutih inicijativa za produženje pomenute linije i odgovora od Željeznica FBiH d.o.o. Sarajevo da postoje tehnički i organizacijski uslovi za produženje linije željezničkog putničkog saobraćaja na relaciju Željeznička stanica Sarajevo – Hadžići – Pazarić, isto je i realizovano.

Ministarstvo saobraćaja Kantona Sarajevo ponovno je uputilo zahtjev, prema JP Željeznice FBiH d.o.o. Sarajevo, da dostavi informaciju da li postoje tehnički i organizacijski uslovi za produženje linije željezničkog putničkog saobraćaja, koja se trenutno održava na relaciji Željeznička stanica Sarajevo – Hadžići – Pazarić, u smislu da se ista eventualno održava na relaciji Željeznička stanica Sarajevo – Hadžići – Pazarić – Raštelića. Gore navedeno je neophodno da bi se razmotrila mogućnosti daljeg postupanja po istom.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva

